

مکرمات

ادبی و سیاسی رسالهٔ اسبوعیه در

۳۱ نوبی سنه

۱۶ ربیع الآخر ۱۳۳۰

پنجشنبه

جزء عدد : ۱۴۰

انواع مختلفهٔ حرب

(مابعد عن جزؤ ۱۳۹)

حق آثار جدیدہ صلیہ نك برنده دائمی بر محكمهٔ حاسمه ايله مسائل منازع
فہائی ، احكامنه نظر آ حل و حسم ایتكہ خادم ، بین الملل بر قانوننامہ وجودہ
کتورلمسی کبی پك غریب فکر لردن دہ بحث ایدلمکدہ در .

اول امرده اجنبی اراضی بہ و سائرہ بہ مداخلہ کبی بالادہ بیان اولنان مسائل
منازع فہایہ متعلق اولمق اوزرہ صرف قانوننامۂ مادی وجودہ کتیر مک مسئلہ سی
بسیتون غیر ممکن کورونمکدہ در ، چونکہ مسائل مجوٹ عنہا مختلف و متنوع
اولمق اوزرہ لایعد اولہ بیلیر ؛ مع هذا اجنبی اراضی بہ مداخلہ کبی اسبابدن تحدت
ایده جك اختلافات و منازعاتہ دایر یکی قاعدہ لر و سائرہ فصل وجودہ کتیریلہ جك ؟
مقصدی ہر اختلافہ حکم ایتك ، اہمیت اساسیہ بی حائز اولان ہر حرکت .
جدیدہ بہ سطوت سلاح ایلہ مانع اولہ جق اولان بویلہ بر محكمهٔ حاسمه ،
حقیقۂ بوگا موفق اولنہ بیلسمہ ، اولیلہ امثالمنز بر اصول توقف و جامدیت اولمش
اولورکہ ، تخیل ایدیلان حالت مذہبۂ مقبولہ یرینہ ، بالعکس بر حالت بلعجب
حصولیاب اولہ رق عاقبت عطالتہ ، اضمحلال و انقراضہ و یا قانی بر انقلابہ منہی
اولور .

بین الملل ہر محكمهٔ حاسمہ بہ قارشی درمیان ایدیلان بو اسباب اورویادہ ایر کچ
وقوع بولہ جق اولان سطوت سلاح ایلہ فصل دعوان صکرہ دخی صحتنی محافظہ
ایلیہ جکدر . - شمدیکی آندہ بویلہ بر محكمهٔ تکلیفی سودای انتقام ایلہ متحلی اولان
فرانسہ ، و قدرت نفوذینی توسیع ایتك فکرندہ بولنان روسیہ طرفندن اصلا
واقع اولہ ماز ؛ آلمانیا ، آوستریا ، و یا ایتالیا طرفندن واقع اولہ جق بویلہ بر تکلیف

علامت خوف و خشیت عدایدیلره رك سالف البیان حكومتلر طرفدن قیسه و باردانه بر صورتده ردایدیلره چكدر .

بالاده تصویر ایدیلوب، فرانسه نك شوق و سودای انتقامنه افرنجی و اساسی سبب تشکیل ایدن احوال و وضعیت عادتاً ترك تسلیحات طلبنك معناسزلغه دلالت ایتمكده در . آیری آیری ترك تسلیحات مسئله سی ایسه عقلسزلغه علامتدر، كه بونی مصالحه پرستشكاردانی بیله تجویز ایدمز . چونكه آنلر بر مقاوله نامه حكومات ایله عین زمانده ترك تسلیحات ایدلسنی آرزو ایتمكده درلر . آنلرك بر چوغی حقیقت حالده بو حرکات و تمایلاتده اڭ بعید بر مستقبلك « بدیعۀ خیالیه سنه » قارشى زیاده بر میلان گوستریورلر .

ایمدی فکر مصالحه ایچون طلب ایدیلان حرکات ملییه کلنجه بو خصوصده کی واسطه دخی مقصد مدلولی کبی هواده معلق طور مقده در . حتی فرض ایدلم، كه مشروطیت و جمهوریت ایله اداره اولنسان حكومتلرده بو کبی بر شی وجود پذیر اوله بیلسون، روسیه ده نصل اوله حق ؟ اوراده نه پارلمان موجود و نه ده حرکات ملییه صبر ایدیلور، بالعکس بو کبی خصوصاته متعلق آرزولر عادتاً اصول اداره یه اتباعاً سربایه نفی و تبعید ایله جواب وریلور. ۱)

بناء علیه عملی اوله رق فکر مذکورك حال حاضرده قومدن فعله کتیرلمسی ضمنده یالگیز بر تجربه یایمقلغك بیله عدم امکاتی تصویر ایتك بزم ایچون پك آز زمان و زحمتی مؤدی اولدی، شمعی حواریون مصالحه نك نه طرز و صورتله مساعی و مجادلاتده بولندقلریه عطف نظر ایتك قالدی .

کتانمزك طرز و اداره و آهنگندن ظاهر اولور، كه کندی مقصدلری حقنده کی غلیان افکار و حسیات عمیقهلرینی بر چوق احوالده رد ایلدك .

بالطبع معارضلر مزدن عین وجهله بزم طرفزده دخی محضا جرح و تخریب ایتك مقصدی ایله جرح و تخریبیدن متلذذ اولان بر فکر و نیت ایله دكل . حقیقی اطمشان تام و ملاحظه بولنقمده اولدیغك تسلیم ایدلسنی گورمك آرزو سننده بولنقمده یز .

۱) بو کتاب روسیه ده (دوما) یوق ایکن تألیف اولنشدی .

فقط آشتی پرستانك ، هیچ اولمازسه اڭ متعارف مطبوعاتنك طرز مجادله و تعبیرلری ، بیاناتی حدود مقبوله داخلند بولندیرمه اکثریا مساعد دکل . بیانات واقعهلرند خصملرینك دائما وادی مظلمه بویان اولدقلرینه فکر آقناعت تامده بولندقلرینه ذهابلری تعین ایدیور .

حرب ایله ارباب حربدن بحث اولندیفی زمان علی الاکثر سوسیال ده موقراتلرک تعبیرات مستهجنهلربی استعمال ایللری مناسبستزلکی داعی اولهیلیر . اکثریا عسکرلره ، آنلرک مرتبه متفوقهلرینه قارشى قدیم و اساسسز اولان نفرت و خصوصتلى ظاهر اولیورکه بونك اوجى صورت دائمه آلمان ضابطلرینه متوجه بولینور . خصائل جنکاورانهلری تدلیل ایدیلیور .

برقاج دفعه ذکرى سبق ایدن « حرب نصل الغا ایدیلیر ؟ » عنوانلى اثرده شوکى افاداته تصادف اولنیور : « جسارت بسبتون قیمتدن عاریدر ، حتی شایان نفرت ولعنندر . »

« انسان برشیى حال مخاطرمیه وضع ایلدیکنه واقف بولنورسه یالکیز اوزمان حازر قیمتدر . برروس ویا ترک عسکرى ، ضابطى ویا جنزالی ساقه قتال وجنایت واعتیاد وحشت و بیعت ایله بر « بولدوق » کبی دشمن اوزرینه صولت ایدیورلر .

حیاتی مخاطرمیه القایتمک وقوفی آنلرده یا هیچ یوقدر ویا خودککه پک آز اولهرق موجوددر . — برحسسنز ترک ویا بر آحق روس جسارته مالک اولورسه ، دیگر برلوقوموتیفه چارپهرق آتی یارچهلان برلوقوموتیفده جسارته مالکدر . »

ایشته افادات سارمسی بوڭا مشابه اولمق اوزره اوزایوب کیدیور و بونلرک محررى اولان « آدم » افدی ایسه همنوعی اولان روسلر و ترکلر حقنده بوکبی فصاحت لسانیهده بولنهرق شوتیجهیبی استحصال ایدیور : « عسکرلرک ، شوالهلرک ، قاتللرک و سارمک اغزار و تقدیس ایدیلان جسارتلری اکثر احوالده هیچ برقیمتى حازر دکلدر ، چونکه او هیچ اخلاق ایله حازر مناسبت برقرار ویا هیچ حساب مخاطرمه ایله مراقتده دکلدر . »

بوحصوات ایچون کتایمژک برنجی فصلنده سویلدکلریمزه مراجعتی توصیه ایدرز .

اگر قورشونلرک شدتلی ویزلدیلری سامعهیه واصل اولورسه هرکس کبی « آحق » روس و ترک دخی موجودیت و عدم موجودیت هنگامه سنده بولندیغنی آکلار ودها ایی ییلک ایسته یان « آدم » ایسه خصائل و طبایع بشریه دأر معلوماتدن کلیاً بی خبردر . ایسته مصالحه پرستشکارانندن بر فرد ، انسانلرک فضائل نجییه و مقبوله سندن اولان ، حیاتی قرداشلری ، وطنی اغورنده فدا ایتمک ایچون ضعف نفسه غلبه ایدن جسارت حقنده بوکبی هدیان آلود تقوهانده بولنیور .

محبان مصالحه نك بر واسطه دیگرى دخی زمانمژده کی وسائط تخریبیه نك تأثیراتی ، مصائب حربیه یی مبالغه کارانده تصویردن عبارتدر . « آدم » افندی کندى کتایبند بالاده قیمت جسارت حقنده کی جمله لرینه لایق اوله جق صورنده تعریفانده بولنیور . مخوف و مدهش بر منظره اعطاسی ایچون صوگ درجه صرف مساعی ایدیور . و مقاصد عالییه خادم جسارتی کندى وطننك اولادی حقنده ممکن اولدیغنی قدر قیمتدن عاری گوسترمک ایسته یور .

مذکور اثر دیورکه : حال حاضرده کی تلفات اوقدر زیاده اوله جقدرکه « هیئت صحیه نك مقداری همان سفره سوق ایدیلان قواى حربیه مقدارینه یقین بولتمق لازم کلیر » .

بناء علیه حربیه کیدن هر انسان اولمش بر آدم دیمکدر .

خبر بویه اولیه جق ، حربیه کیتش اولان بزور بونی ییلیورز ، حتی صوگ حربلردن صکروده حکم ایلورز . هریری نه قدر مخاطره لی وسائط حربیه یه مالک اولورسه اولسون ، تاریخ حرب گوستریورکه ، اسلحه نك تأثیراتی دوچار ضعف ایدمک وسائط متقابله دائماً موجوددر .

[مابعدی وار]

محمد رشدی

